

Ibihe Birindwi By'itorero

Igice Cya Gatandatu

Igisekuru Cy'itorero Ry'I Tuwatire

Ibyahishuwe 2:18-29 :

Wandikire Malayika w'itorero ry'i Tuwatira uti: "Umwana w'Imana, ufite amaso asa n'ibirimi by'umuriro n'ibirenge Bye bigasa n'umuringa w'umuteke Aravugaaya magambo ati: "Nzi imirimo yawe n'urukundo rwawe no kwizera kwawe, n'ubudahemuka bwawe mu murimo, no kwhangana kwawe, n'uburyo imirimo yawe ya nyuma iruta iya mbere kuba myinshi.

Nyamara mfiti icyo nkugaya, kuko ukundira urya mugore Yezebeli wiyyita umuhanuzi kazi akgisha imbata zange akaziyobya kugira ngo zisambane kandi zirye intonorano.

Icyakora namuhaye uburyo bwo kwhhana, ariko ntayashaka kwhhana ubusambanyi bwe. Dore nzamugusha ku buriri, mutezane amakuba n'abasambane be nibatihana imirimo yabo mibi.

Kandi n'abana be nzabicisha urupfu, amatorero yose amenye yuko ari Nge urondora ubwenge n'imitima, kandi ko Nzitura buri wese wo muri mwe ibikwiriye ibyo yakoze.

"Ariko mwebwe mwese abasigaye b'i Tuwatira, badakurikiza izo nyigisho kandi batazi ibyo babandi bita ubwiru (ari bwo bwiru bwa Satani!) Ndababwira nti nta wundi mutwaro mbikoreza uretse uyu, nimukomeze icyo mufite mugeze igihe Nzazira.

"Unesha akitondera imirimo Yange akageza ku mperuka Nzamuha ubutware bwo gutwara amahanga yose, azayaragiza inkoni y'icyuma nk'aho ari inzabya z'ibumba, ayiyamenagurize rimwe nk'uko na Nge nabihawe na Data. Kandi Nzamuha inyenyeri yo mu ruturuturu.

Ufite amatwi niyumve icyo Umwuka abwira amatorero.

TUWATIRA

Nk'uko amateka ari, umugi wa Tuwatira wari umugi utari uzwi cyane mu migi yose irindwi yo mu Byahishuwe. Wari ku nkengero za Misiye na Iyoniye. Uzengurutswe n'utugezi twinshi, twabaga twuzuye imisundwe. Ikiwuranga cyane ni ubukungu bwaturukaga ahanini ku bakannyi b'impu n'ababumbyi, n'ababoshyi, n'abakora imitako, n'abadozi, n'abandi. Ludiya umucuruzi w'imyenda, yakomokaga muri uwo mugi. Ni we mwizera wa mbere wizeye ubutumwa bwa Pawulo mu Burayi.

Noneho impamvu yatumye umwuka ahitamo uyu mugi nk'uwari ufite bimwe mu by'umwuka byashoboraga kuranga igisekuru cya kane, ni ukubera iyobokamana ryacyo. Iyobokamana ryiganje, i Tuwatira, hari ugusengwa kwa Apoluwon Titimineyi, kwifatanje n'ugusenga kw'umwami. Apoluwon cyari ikigirwamana k'izuba, kikaba icya kabiri mu mbaraga nyuma ya Zewusi, ari na we se. Bamwitaga: "ushobora kuburizamo ikibi"; yayoboraga uburenganzira bwo gusenga no gutanga igitambo (uburyo bwo kwhana ibyaha bye no kugira umutima utamucira urubanza). Purato (Platon) yamuvugagaho ati: "asobanurira abantu inyigisho y'urusengero, ibitambo, umurimo w'Imana, ndetse n'ibijyanye n'urupfu n'ubuzima hirya yo gupfa." Yamenyeshaga abantu ibijyanye n'ubumenyi bwe bwa "ahazaza" na "ubushake bwa se" binyuze mu bahanuzi n'abandi bavuga iby'Imana bashize amanga. i Tuwatira, uwo muhango wayoborwaga n'umuhanuzikazi wabaga yicaye ku ntebe ifite amaguru atatu nuko akabanza kujya mu myuka mbere yo gutanga ubutumwa bwe.

Iri yobokamana ryari rifite ukubata kudasanzwe. Imbaraga zaryo zidasanzwe nta bwo zaturukaga gusa mu kirere cy'ubwiru, ahubwo zaturukaga no ku kuba utarashoboraga kuba umunyamuryango w'imwe mu migenzereze yashoboraga gutuma ubaho neza keretse ubanje gukurikiza imisengere y'urusengero rwa Apoluwon yarangwaga n'imihango y'ubusambanyi bukabije no kurya bakagwa ivutu. Bose abangaga gukurikiza imikorere ye yo kuramya ibishushanyo n'imihango ye y'ubwenge birukanwaga muri urwo rugaga rwe rwo mu kinyejana cya mbere. Kugira ngo ube mu buzima busanze n'ubucuruzi, byasabaga kubanza ugakora imihango ya gipagani yo kuramya ibigirwanama.

Igitangaje kandi gikomeye, iryo zina Tuwarira risobanuye: «umugore utegeka». Ku bw'ibyo, iki gisekuru cyaranze n'imbaraga z'ubutegetsi, imbaraga z'inkubiri zahitanaga byose, zicisha bugufi ikintu cyose kandi zifite imbaraga z'ubuyobozi bwica bugakiza. Nyamara, umugore utegeka, ni wo muvumo wa mbere mu isi. Umugabo w'umunyabwenge isi yigeze kugira ni Salomo, kandi yaravuze ati:

"Nashyize mu mutima wange kumenya, kugenzura, no gushaka ubwenge no kumenya

impamvu y'ibantu, no kumenya ko ubupfu bw'uburakari n'ubupfapfa ari ibisazi.

Kandi nsanga IKIRUSA URUPFU KURURA ARI UMUGORE ufite umutima w'umutego, w'urucundura, kandi amaboko ye akaba nk'ingoyi; unezeza Imana azamurokoka ariko umunyabyaha azafatwa na we.

Dore ibyo nabonye, ni ko umubwiriza avuga, negeranya kimwe n'ikindi kugira ngo menye impamvu yabyo;

Ari cyo umutima wange ugishaka, ariko sindakibona. Mu bagabo igihumbi nabonye umwe, ariko mu bagore bose nta n'umwe nabonye."

Umubwiriza 7:25-28.

Pawulo yaravuze ati:

Dore nanga ko umugore yigisha cyangwa ngo ATEGEKE.

Uhereye mu busitani bwa Edeni, umugore yakomeje gushaka gutegeka umugabo ndetse anabigeraho. Na n'uyu munsi, turi mu isi y'umugore: umuhamya ni ikigirwamanakazi cya Amerika, ari cyo mugore wambaye ubusa. Nk'ikigirwamana k'ikigore cyamanutse kiva mu kirere (mwibuke ko amaboko yacyo yari ibihindizo by'icyuma) bigaragaza igisekuru cya mbere, ari cyo cya Efeso, na none imbaraga z'umugore zariyongereye kugeza ubwo afata ubutegetsi ntakuka, ubutegetsi yahawe n'imyifatire ye y'icyuma.

Nyamara, umugore ntiyaremewe kugira imyifatire nk'iy'icyuma. Nk'uko Ibyanditswe bibivuga, agomba kubaha umugabo. Ni byo yahawe. Umugore nyamugore, ushyitse, azagira imyifatire nk'iyo. Atari ukuba itorosho, umugabo wiyubashye ntiyatuma umugore we aba itorosho. Ahubwo azifuza guca bugufi no kubaha umutegeka, atari ugutegeka umugabo, kuko ari we mutware w'urugo. Iyo agiye kure y'icyo kitegererezo Imana yamushyiriye, aba agoretse ibantu. Kandi n'umugabo na we wemerera umugore gutegeka na we aba agiye kure y'ibyateganijwe, aba agoretse ibantu. Ni yo mpamvu umugore ADASHOBORA KWAMBARA IMYENDA YA KIGABO HABE NO KWIYOGOSHESHA UMUSATSI. Ntagomba na rimwe kwambara imyenda ya kigabo habe no kwiyogoshesha imisatsi. Mu kubikora, yatwara icyubahiro cy'umugabo, yategeka, yaba yihinduye uwo atari we. Kandi iyo umugore agiye ku gicaniro, ibyo ABUZWA GUKORA, nuko rero aba yerekana umwuka umuyoboye. Kuba umugore utegeka, ni antikristo, kandi imbuto za kiriziba gatolika y'i Roma ziba ziri muri we, nubwo abihakana yivuye inyuma. Ariko, IYO ARI IJAMBO, Imana yonyine nigaragare nk'inayakuri kandi ijambo ryose rya mutnu ribe ikinyoma. Amina.

Reka dusubire ku Itangiriro. Mu kurema gufatika ku nkomoko, nk'uko tubizi uyu munsi, Imana yaremye byose bibiri bibiri, ikigabo n'ikigore. Ibiguruka bibiri bibiri: isake n'inkoko kazi; amatungo bibiri bibiri: ikimasa n'inyana; n'ibindi n'ibindi. Hano neza mu murongo, Bigeze ku muntu yari umwe gusa. Nta bwo bari babiri. Adamu yari yararemwe mu ishusho y'Imana. Yari umwana w'Imana. Mu kuba umwana w'Imana, ntiyashoboraga kugeragezwa no kugwa. Ibyo ntibyari gushoboka. Bityo Imana yagombye kumukuramo igice cy'urugingo rwe kugira ngo habeho ukugwa. Umugore ntiyaremewe mu biganza by'Imana mu buryo butaziguye. Nk'umurimo w'Imana nyakuri. Yaremwe akuwe mu mugabo. Kandi igihe Imana yamuremaga imukuye mu mugabo, icyo gihe yari atandukanye cyane n'ibindi bigore Imana yaremye. Yashoboraga gushukwa. Nta kindi kigore, mu byaremwe, kibaho imibereho y'urukozasoni, ariko umugore ashobora gukorwaho igihe icyo ari cyo cyose, cyangwa ibihe hafi ya byose.

Izo ntege nke ziba muri we ni zo zatumye Satani amushuka binyuze mu nzoka, nuko bishyira umugore mu mwanya wihariye mu Mana no mu Ijambo Ryayo. Ni we rugero rw'ibiteye isoni byose, bihumanye kandi bisobanye mu bundi buryo, mu bundi buryo ni we rugero rw'ibitunganye, bifite ubwiza, kandi byera, yakira imbuto y'umwuka n'imigisha y'Imana. Mu bundi buryo, yitwa maraya usinze inzoga z'ubusambanyi bwe. Mu rundi ruhande yitwa umugen wa Kristo. Mu bundi buryo akitwa Babuloni Bwiru, ikizira imbere y'Imana. Mu bundi buryo akitwa Yerusalem Nshya. Umubyeyi wacu. Mu buryo bumwe ni umugome ukabije, wuje uburakari ku buryo azajugunya, bitagira akabuza, mu itanura ry'umuriro, ni ho honyine hamukwiye; mu bundi buryo yarazamuwe ashyirwa ku bicu, kugira ngo agabane intebi y'ubwami y'Imana, ari ho hantu hakwiriye umwamikazi nk'uwo.

Kandi muri iki gisekuru k'i Tuwatira, we ni UMUGORE UTEGEKA. We ni Baburoni y'Ubwiru. Ni we maraya ukomeye. Ni Yezebeli, umuhanuzi kazi w'ibinyoma. KUBERA IKI? Kubera ko umugore w'ukuri yumvira Imana. Kristo ni We mutwe we. Nta rindi jambo afite uretse Irye, nta kindi gitekerezo agira uretse Ike, nta n'ukundi kuyoborwa afite uretse Ukwe. Ese iby'iri torero bimeze bite? Ryataye Ijambo kandi risenya Bibiliya ndetse n'indi mirongo ikomeye y'umuntu utunganira Imana. Ryishe ababwirizaga ukuri. Ryafashe ububasha ritegeka abami, ibikomangoma n'amahanga, rigenzura ingabo, kandi rikemeza ko ari ryo Mubiri w'ukuri wa Yesu Kristo kandi ko aba papa baryo ari bo bahagarariye Kristo. Ryose ryashutswe na Satani uko ryakabaye, ku buryo na ryo ubwaryo ryongera, rigashuka andi. Ryo ni umugen wa Satani, ryabyaye amadini y'ibinyendaro arikomokaho.

Ubutegetsi bwaryo bwinjiye neza mu gisekuru cy'umwijima. Mu gihe k'imyaka isaga magana kenda

ryarasahuye kandi rirarimbura. Ryishe abanyabukorikori, ririmbura ubushakashatsi, nta kindi ryabyaye uretse urupfu, kugeza ubwo urumuri rw'ukuri rwenda gushiraho rwose hagasigara agace gato karwo. Amavuta na vino byasaga n'ibyarekeye aho gutemba, ariko nubwo ryategekaga ubwami bwo mu isi kandi rigahatira abantu kuba abayoboke baryo, hari itsinda rito ryari riri mu ruhande rw'Imana, abo ni bo bari abaturage b'Ijuru, kandi abo, ntiryashoboraga kubarimbura. Imana yarindaga umukumbi Wayo muto; byari bigoye kuwurimbura. Iri torero ry'i Roma ryari rikabije kuba iripagani n'irigome nk'umwamikazi Atariya, wari waragerageje kurimbura ubwoko bwa cyami bwose, kandi yabaye nk'ubigezeho, ariko IMANA HARI BAMWE YARI YARARINZE, kandi kuri bo ni ho haje guturuka abandi bizerwa. Nk'uko, Imana yarinze umukumbi muto muri iryo joro rirerire ry'umwijima, kandi, ku iherezo ni ukuri bari baravukiye muri Luteri.

Buri wese uzi bike ku idini gatolika ry'i Roma n'uburyo bwaryo bwo gusenga, ashobora kubona impamvu uyu mugi wa Tuwatira watoranijwe n'Umwuka kugira ngo uhagararire Itorero muri icyo gihe k'igisekuru cy'umwijima. Ni ko biri ku mugaragaro imbere y'amaso yacu.

IGISEKURU

Iki gisekuru, ni cyo gisekuru kirekire gisumba ibindi byose, cyamaze imyaka irenga magana kenda, uhereye muri 606 ukageza mu wa 1520.

INTUMWA

Itorero ryagabanijwemo amatsinda abiri igihe kirekire: iry'Iburengerazuba n'iry'Iburasirazuba. Rimwe na rimwe, umugorozi yashoboraga guhaguruka muri rimwe muri ayo matsinda yombi, nuko akayobora uruhande rumwe rw'itorero kandi ari kumwe n'Imana mu buryo bukomeye. Mu Magepfo umwe muri abo bagabo ni uwitwa Fransisko wa Asize. Umurimo we ukomeye waje gucibwa intege n'inzezo z'i Roma. Petero Valado, w' i Lyon, umucuruzi wemeye gutanga ubuzima bwe, yakoreraga Umwami n'ubwitange, kandi agakurura benshi inyuma ye, ariko papa arwanya cyane umurimo we nuko aramuca.

Ari itsinda ry'Iburengerazuba ari n'iry'Iburasirazuba nta na rimwe ryongeye kugira umuntu ukomeye, igihe asuzumiwe mu rumuri rw'Ibyanditswe, ngo abe intumwa y'iki gisekuru. Nyamara abantu babiri mu birwa by'Ubwongereza, bari bafite umurimo yaba mu Ijambo, ari no mu bikorwa byashoboraga guhagara bidatsinzwe bisuzumishijwe ukuri. Abo bari mutagatifu Patirike na mutagatifu Kolomba. Mutagatifu Kolomba ni we waje guhabwa umurimo wo kuba intumwa.

Nubwo intumwa y'igisekuru cya Tuwatira yabaye Kolomba, ndifuza cyane gutinda ku buzima bwa mutagatifu Patirike, watubereye urugero, kandi no kwerekana ibisubizo by'ibinyoma bya Roma ivuga ko mutagatifu Patirike ari uwayo ndetse ngo na Jeanne d'Arc. Mutagatifu Patirike yabyawe na mushiki wa mutagatifu Maritini, avukira mu mudugudu witwa Bonavern ku nkcombe ya Kiride (Clyde).

Igihe kimwe, ubwo yari ariho akina na bashiki be babiri ku mbuga ababisha baraje barabatwara bose uko ari batatu. Nta n'umwe wamenye uko byagendekeye abo bashiki be, ariko Patirike (Succat, ni ryo zina rye nyakuri) agurishwa ku mutware wa Irlande y'Amajyaruguru. Yaje guhabwa inshingano yo kuragira ibyana by'ingurube. Ku bw'ibyo, yatozaga imbwa. Imbwa ze zari zaratojwe ku buryo abantu bavaga imihanda yose baje kuzigura. Mu bwigunge bwe, ni bwo yahindukiriye Imana arakizwa.

Nuko yaje kugira ibyifuzo bidasanzwe bimuhata gutoroka agasubira iwabo, agasanga ababyeyi be. Yakoze umushinga ubyara inyungu ukomoka ku buhangi bwe mu gutoza imbwa. Yigishije imbwa ze kumuryamaho maze zigasa n'izimworoshe, kandi ntizinyeganyege kugeza we azihaye itegeko. Nuko igihe kimwe ubwo shebuja yari ariho agurisha imbwa nyinshi, Patirike ategeka imbwa, uretse imbwa iyoboye izindi, ngo zurire mu bwato. Hanyuma acira amarenga imbwa iyoboye izindi, irahunga, yanga kurira ubwato. Mu gihe shebuja n'umuguzi bageragezaga gufata imbwa, ni bwo Patirike yuriye ubwato maze ku itegeko rye imbwa ziramutwikira. Hanyuma, avuza ifirimbi, imbwa iyoboye izindi yurira ubwato maze na yo isanga izindi iramutwikira. Nk'uko Patirike atabonekaga, umuguzi amanika umwenda werekeza ku giti cy'ubwato ajya mu nyanja.

Igihe umuyobozi w'ubwato abuturukije kure kugira ngo abugarure, Patirike ahita ashumura imbwa ze, maze ziramoka kandi zigenda zirushaho kugira ubukana. Hanyuma araza asanga umuyobozi w'ubwato amuhatira kumugeza iwabo aho akomoka, bitabaye ibyo arategeka imbwa ze gukomeza kwivumbagatanya zikagera hose zikagenzura ubwato.

Ariko uwo tuyobozi w'ubwato yari umukristo; nuko igihe yumvaga amateka y'ubo mwana w'umusore, ku bushake bwe aramufata maze amugeza iwabo. Patirike akurikirayo inyigisho z'ishuri rya Bibiliya, nuko maze asubira muri Irlande, aho yazanye ubugingo bwinshi kuri Kristo ku bw'Ijambo ndetse n'imbaraga z'Imana zigaragajwe binyuze mu bitangaza n'ibimenyetso byinshi. Nta bwo yigeze agera i Roma, nta nubwo yigeze anahabwa umurimo na Roma. Ukuri nuko igihe Roma yabashaga gushinga ibirindiro byayo ku kirwa, mu gihe gikwiye, yahise yica abakristo basaga ibihumbi ijana, bahoze mu itsinda ryazanywe ku Mwami, n'umurimo wa mutagatifu Patirike.

Hafi imyaka mirongo itandatu nyuma y'urupfu rwa mutagatifu Patirike havutse Colomba i Donegal muri

Irirande y'amajyaruguru. Yari uwo mu muryango wa cyami w'aba Fergus. Yahindutse umuhanga w'ikirangirire kandi wiyegeuriye Imana, yari yarafashe mu mutwe igice kinini k'Ibyanditswe. N'ijiwiriranguruye Imana yaje kumuhamagara imugira umukozi Wayo. Nyuma yaho yumviye ijwi ry'Imana, nta kintu na kimwe cyamuhagaritse, kandi umurimo we w'igitangaza watumye benshi mu bize amateka bamushyira mu ruhande rumwe n'intumwa. Umurimo we wabaye uw'igitangaza, uhorekejwe n'ibitangaza n'ibimenyetso bikomeye bidasanzwe, ku buryo bamwe (cyane cyane abavuga rikijana i Roma) batekereje ko harimo no gukabya ku bakoze inyandiko.

Rimwe mu rugendo rwe rw'ibwirizabutumwa, ubwo yari yegereye umurwa ukomeye, yahasanze inzugi zikomeye zimubuza kwinjira. Azamura ijwi mu isengesho asaba ngo Imana imanuke itabare maze ikingure urugi abone uko abonana n'abantu kugira ngo ababwirize. Ariko mu gihe yasengaga, abakonikoni bavuza induru kugira ngo bamubuze amahoro. Nuko atangira kuririmba Zaburi. Noneho mu gihe yaririmbaga, Imana irangurura cyane ijwi rye ku buryo ryarushije imbaraga amajwi y'abapagani. Muri ako kanya, inzugi zihita zikingura ubwazo. Kolomba yarinjiye abwiriza ubutumwa, kandi ubugingo bwinshi buhindukirira Umwami.

Ikindi gihe, na bwo ubwo bamubuzaga kwinjira mu mudugudu, ubwo yari mu nzira yongera kwigendera, umwana w'umutware ararwara araremba. Kubera ko yari hafi yo gupfa, bagiye kuzana Kolomba vuba na bwangu. Agisenga isengesho ryo kwizera, uwo mwana w'umuhungu ahera ko arakira muri ako kanya. Umudugudu na wo uhita ukingukira Ubutumwa.

Ubutumwa Bwiza Bwera bwabwirijwe na Kolomba hamwe na bagenzi be bwakwiriye hose muri Ekose, kandi bose bahindukirira Imana. Bwarenze Ekose bugera muri Irilande ndetse no mu Burayi bw'Amajyaruguru. Uburyo bwe bwo kogeza Ubutumwa Bwiza bwari buteye butya: itsinda ry'abantu basaga icumi, bayobowe n'umutware umwe, bajyaga mu gace katarageramo Ubutumwa Bwiza, nuko bakahakora umugi muto ushingiye ku Butumwa Bwiza. Muri abo bantu cumi na babiri, wasangagamo ababaji, abarimu, ababwirizabutumwa, n'abandi, bose bari mu Ijambo kandi babayeho imibereho yo gukiranuka. Aho hantu hari hazengurutswe n'urukuta. Hambere aho hantu hari hazengurutswe n'amazu yari atuwe n'abanyeshuri n'imiryango yabo. Abo banyeshuri bigaga Ijambo kandi biteguye kujya ku murimo w'Umwami nk'ababwirizabutumwa, nk'abayobozi mu by'Umwuka, kandi nk'ababwirizabutumwa. Abo bantu bashoboraga gushaka abagore, nubwo abensi basabwaga kwifata kugira ngo babone uko bakorera Imana neza. Badasabye inkunga n'imwe ya leta, birinze Politiki. Aho kwibasira cyane ayandi mayobokamana, bigishaga ukuri, kuko bari bazi neza ko ukuri ari yo ntwaro ihagije yabafasha kugera ku musozo w'ibyo Imana yari yari yarabahamagariye. Bari abadahabwa amabwiriza na Roma.

Mutagatifu Kolomba ni we washyizeho ishuri rikuru rya Bibiliya ku kirwa cya Ayi (ku ruhande rw'Amagepfo y'Iburengerezuba bwa Ekose). Igihe yageragayo cyari ikirwa cyumagaye kandi kiriho intaza z'amabuye ku buryo kitari gishoboye kubahaza bose. Ariko Kolomba ahahinga imbuto akoresheje akaboko kamwe akandi kazamuye asenga. Uyu munsi, iki kirwa kiri mu birwa byeza cyane ku isi. Muri iki kirwa kibandaga kuri Bibiliya ni ho hasohotse umwigisha mukuru wuzuye ubwenge n'imbaraga z'Imana.

Ngisoma iyi nkuru y'uyu mugaragu w'Imana ndetse n'imrimo ye itangaje yakoze, nagize agahinda ku mutima ko kubona imbaraga z'ubupapa, zitegekera abantu bose kugendera munsi y'ububasha bwazo, hanyuma zikaza kwanduza uwo murimo w'ibwirizabutumwa ndetse no kurimbura Ukuri kwari kwarigishijwe na Colombia.

INDAMUTSO

Ibyahishuwe2:18:

Umwana w'Imana, ufite amaso asa n'ibirimi by'umuriro n'ibirenge bye bigasa n'umuringa w'umuteke aravuga aya magambo ati. . ."

Uguhishurwa k'ubumana muri iki gisekuru cya Tuwatira, nuko Yesu ari Umwana w'Imana. Hambere, mu minsi yo kubaho Kwe, Yamenyekanye nk'Umwana w'umuntu. Ariko uyu munsi, nta bwo ari ku bw'umubiri tumuzi. Ntakiri na hato Umwana w'umuntu, Umuhanuzi Mukuru, uhurirwaho n'ubuhanuzi bwose muri We Ubwe. Umwana w'ikinege agarutse mu gituze cya Se. Noneho, tumuzi mu mbaraga z'umuzuko. Yarazutse, yashyikiriye imbaraga Ze zidasanzwe, ari hejuru ya byose, ku bwo guhimbaza kw'icyubahiro Ke. Icyubahiro Ke nta we bazagisangira. Nta muntu n'umwe Ateze kuzegurira ubuyobozi bw'itorero.

Ahanze amaso kuri Tuwatira, kandi Arareba muri uwo mugi, muri icyo gisekuru cya kane, icyubahiro Ke bwite ngo Agire uwo Agiha! Umujinya w'urubanza ushashagirana mu maso He iyo Abona Apoluwonni yigira nk'Umwana w'Imana, kandi ari We Wenyine Umwana w'ikinege wa Data. Mbega ukuntu bikomeye ku rubanza ruzaba kuri iki gisekuru cya Tuwatira, aho abagize Itorero, nk'abaramya b'abapagani b'umwana w'ikigirwamana (Apoluwoni, mwene Zewusi), bashyize hejuru umuntu ngo bamuramye, bashyigikiwe na Leta. Hanyuma ibyo ni byo yabonye neza neza. Itorero gatolika ry'i Roma, ryinjiye mu by'ukuri mu kuramya ibigirwamana bishingiye ku kigirwamana k'izuba (Apoluwoni), yazamuye umuntu imugeza ku rwego rw'ubumana (papa) mu guhuza itorero hamwe na Leta. Kuri, Tomasi Aquinas hamwe na Alverus

Pelagius bavuze ibi bikurikira: papa asa naho ari, ku bamurebana amaso y'umunyamwuka, si umuntu, ahubwo ni Imana. Ububasha bwe ntibugira iherezo. Ashobora kwita kiza icyo ashaka, kandi ashobora kwambura uburenganzira buri wese niba abishatse. Gushidikanya kuri ubwo bubasha budahangarwa ku isi hose, bigukururira kwirukanwa mu gakiza. Abanzi bakomeye b'itorero ni abatemera amahame bakanga kuremererwa no kubaha kw'indahemuka.

"Hariho umuhuza umwe w'Imana n'abantu, na we ni Umuntu Yesu Kristo (Umwana w'Imana)"

1Timoteyo 2:5.

Ariko papa, i Roma, yahinduye Ijambo. Yarishimbuje: "umuhuza umwe uri hagati y'Imana n'umuntu (ariko Atari abantu). Noneho ubu ni we ukora umurimo wo guhuza hagati y'umuhuza n'abantu. Gusa nta wundi muhuza uraho uretse Umwana. Papa atangaza agakiza kanyuze mu itorero ry'i Roma, nyamara nta gakiza kariho keretse akanyuze mu umwana w'Imana. Ntibitangaje rero ko ibirimbi by'umuriro w'urubanza ushashagirana mu maso He. Ntibitangaje ko ibirenge Bye bisa n'umuringa w'umuteke, mu gihe Yiteguye gusyonyora no guhindura ubusa ubwami bubi bw'iyi si. Dushimire Imana ku bw'ibirenge Byayo bikomeye by'umuringa. Byaciye mu rubanza ku bwacu. Uyu munsi ni byo rufatiro rwacu, kuko ibyo Yaronse ari ibyacu, twasanishijwe na We, Yesu, Umwana w'Imana.

Muri ki gisekuru ni ho tubona inyigisho za Muhamadi, zirwanya umwana w'Imana kandi zigacira urwo gupfa abiyita abakristo bose.

Na none ni muri iki gisekuru itorero ry'ikinyoma ryanze itegeko rya mbere ry'Imana Ishoborabyose, hanyuma ryihutira gusyonyora irya kabiri rishyiraho papa mu mwanya wa Yesu Kristo, kandi rishyiraho no kuramya ibishushanyo no kubihatira abantu, nk'abangaga kugira umwanya w' amashusho mu rusengero bagombaga gupfa. Ku butegetsi bw'umwamikazi Theodora kuva muri 842 kugeza 867, hafi abera ibihumbi ijana barishwe kuko batahaga agaciro ibishushanyo.

Nta gushidikanya iki gisekuru kigomba kwihana, cyangwa kikabura byose. Dore Umwami w'ubwiza, Imana Ubwayo- Ijambo Ryayo ryashyizwe ku ruhande, Ubumana Bwayo bwaranzwe, ariko amaboko y'abantu n'imilitima yabo ntibishobora kuyikura ku Bwami. Bahisemo kuyihakana, ariko Yo ihora ari iyo kwizerwa. Mwa mukumbi muto mwe, ntimugatinye kuko So yishimira kubaha ubwami. Kandi igihe Nzagarukira n'ibirenge by'umuringa n'amaso y'ibirimi by'umuriro, Nzabagororera. Guhora ni Ukwange, gutanga ingororano ni Ibyange, ni ko Uwiteka avuga.

GUSHIMAGIZA

Ibyahishuwe 2:19:

"Nzi imirimo yawe, n'urukundo rwawe, no kwizera kwawe, no kugabura kwawe, no kwihangana kwawe n'uburyo imirimo yawe ya nyuma iruta iya mbere kuba myinshi."
[Bibiliya ya Darby]

Hano turahasanga ibindi nk'ibyo bivugwa mu ijambo ry'ibanze: nzi imirimo yawe. Umwana w'Imana Ubwe yaravuze ati: «Nimunyizere ku bw'imirimo Yange. » Igihe yari ku isi, Yavyuze cyane by'umwiheriko ku mirimo Ye. Imirimo Yakoze yari yarateganijwe n'Imana kugira ngo izamure kwizera muri We. Kwari kugize igice kinini cy'umurimo We. Umwuka Wera We muri Pawulo yaravuze ati:

"Kuko turi abo yaremye ituremeye imirimo myiza muri Kristo Yesu, iyo Imana yiteguriye kera kugira ngo tuyigenderemo."

Abefeso 2:10.

Imirimo Ye yari ifite umumaro wo gukomeza kwizera muri We mu kugaragaza isano Rye hamwe na We Pawulo abigaragariza «abo Yaremeye muri We».

Nyamara imirimo ntishobora gusimbura ukwizera mu Mana ku bw'agakiza kacu. Ariko imirimo igaragaza ukwizera twamaze gushyira muri We. Imirimo myiza ntishobora kudukiza, ahubwo izaturuka mu bugingo bukijijwe, nk'imbuto ku bw'Umwami. Nizera ibijyanye n'imirimo myiza. Nubwo umuntu yaba adakijijwe, agomba gukora imirimo myiza, agomba gukora ibishoboka byose. Ari na byo biteye isoni mu maso y'Imana, kubona abantu bakora ibikorwa bibi, hanyuma bakavuga ko basohoza ubushake bw'Imana. Ibyo ni byo abayobozi b'idini bakoraga, abapapa n'ubuyobozi bw'inzego z'i Roma. Bakoraga ubwicanyi, gukuraho ingingo z'imibiri y'abantu ndetse n'ibibi by'uburyo bwose mu Izina ry'Umwami. Babagaho ubuzima buhabanye cyane n'ibyo Ijambo ryigishaga. Muri iyo minsi mibi, abizera by'ukuri bakaga nk'itara bashyize mu mwijima, nyine nk'uko bakomezaga gukora ibyiza. Nuko, basubizanya umuvumo umugisha, kandi bakoraga ibiciye mu nzira y'ukuri ku bwo guhesha Imana Icyubahiro, hari nubwo bamwe muri bo bemeraga kubyishyura batanze ubuzima bwabo.

Muri uyu murongo arashimira abana Be, kuko bari barahindutse mu buzima bwabo. Imirimo yabo

yahamirizaga Umwuka mushya muri bo. Abantu barebye imirimo yabo myiza nuko bashimira Imana. Yego mugenzi, niba uri umukristo, uzakora ibyiza. Imirimo yawe izagaragaza ko umutima wawe utunganye. Kandi ntibizaba ari ibihimbano, kuko uzakora ubushake Bwe, ndetse n'igihe nta we ukureba uretse Imana, uzakora ubushake Bwayo n'yo bizagusaba gutanga ubuzima bwawe.

"Nzi urukundo rwawe, no kwizera kwawe, nimirimo yawe, no kwihangana kwawe." Muzabona ko urukundo rwabo rwari ruri "mu mirimo" no "mu bikorwa". Ni ho hantu yari ikwiye, kuko ari nta rukundo, imirimo yacu itemerwa n'Imana, ndetse n'ibikorwa byacu na byo ni uko. Pawulo yavugaga ko, abwira Abakorinto ati: «Nta rukundo nta cyo ndi cyo; kandi ibyo nkora byose nta cyo bimaze niba ari nta rukundo mfite». Nyamara, murabona hano ko abo bizera batari mu rwego rw'Abanikolayiti bakoraga imirimo kugira ngo bagere ku gakiza cyangwa kugira ngo bashimwe n'abantu. Ni ku bw'urukundo rw'Imana rwakwirakwijwe mu mitima yabo binyuze mu Mwuka Wera bakoraga imirimo yabo. Urwo rukundo rwari mu mitima yabo, rwari urukundo rw'Imana ku Bayo. Yesu yaravuze ati: "Ibyo ni byo bose bazabamenyeraho ko muri abigishwa bange, nimukundana."

Abapagani, mu kwitegereza imibereho y'abakristo ba mbere, baravugaga bati: "Nimurebe uko bakundana!"

Yohana yaravuze ati:

"Umuntu wese ukunda yabyawe n'Imana." Yohana 4:7.

Noneho ndashaka kubaburira hano. Havuzwe ku bijyanye n'iminsi ya nyuma, ko urukundo rwa benshi ruzakonja bitewe n'ubuhenebere. Muri iki gisekuru cya Lawodikiya, cyangwa igisekuru cya nyuma, kwikunda no gukunda iby'isi bizafata umwanya w'urukundo nyakuri rw'Imana. Tugomba kwitonda tukarwanya imbaraga z'icyaha muri iyi minsi ya nyuma. Bensi binangira imitima kuko badaha agaciro umwuka wo mu gisekuru cya nyuma. Igihe kirageze ngo twegere Imana maze tuyemerere yuzuze ubugingo bwacu urukundo Rwayo, bitaba ibyo tukazahura n'ubukonje bw'itorero ryo mu minsi ya nyuma, kandi tukazareka Ukuri kw'Imana nyamara ari ko konyine gushobora kudufasha.

Muri ibi bihe by'umwijima biteye ubwoba, umuzabibu w'ukuri wakomeje kurinda urukundo rwawo ku bw'Imana no ku bwa bene Se. Imana yarabibashimiye.

"Nzi imirimo yawe." Yesu yaravuze ati: «Umukuru muri mwe abe umugaragu w'abandi». Umunyabwenge yagize icyo avuga kuri iyi nteruro; dore ibyo yavuze: «Amateka yonyine ni yo azagaragaza ko iyo mvugo ari ukuri." Uyu muntu yari afite ukuri. Abantu bakomeye by'ukuri mu mateka bari abagaragu. Abategekaga gukorerwa, abahataga abandi, abifuzaga imyanya y'abategeka, bose iherezo ryabo ryabaye iry'isoni. Ndetse n'abatunzi batamenye gukoresha ubutunzi bwabo neza baciriwe urubanza n'Imana. Ariko mugenzure neza amateka, kandi murabona ko abantu bakomeye, b'ukuri, ari bo bari abagaragu b'abandi. Amateka ntiyigeze agira ibikomeye avuga ku bakorewe byinshi, ahubwo ashima abakoreye abandi byinshi.

Noneho reka ibyo tubyishyireho. Nk'uko Umwana w'umuntu yaje, atazanywe no gukorerwa, natwe ni ko tugomba gukurikiza urugero Rwe. Ngaho nimumurebe Yunamyé ku birenge by'intumwa byanduye ananiwe abyozza. Aravuga ati: «Ubu ntimubasha gusobanukirwa ibyo Nkora, ariko vuba aha muzabisobanukirwa. Ariko ibyo mubona Nkora, namwe muzabikora." Yigize umugaragu kugira ngo Imana imuzamure hejuru cyane. Kandi igihe kimwe, ku rubanza rw'abera, tuzamwumva avuga ngo: wakoze neza MUGARAGU mwiza ukiranuka, injira mu munezero w'Umwami." Biragoye iteka kuba umugaragu. Ariko abitanga batitaye ku by'abandi bazicarana na We ku Ntebe Ye y'Ubwami. Uwo munsi, bazagororerwa imbaraga batakaje. «Dukorere Umwami wacu bigishoboka. Tuvuge ku rukundo n'Ubugwaneza Bye! Nadusanga ku murimo, twuje ishyaka n'urukundo, ku ijwi ry'impanda, nzaba niteguye."

"Nzi ukwizera kwawe." Ntibishatse kuvuga ko ari ko bimeze mu itorero rya Perugamo: «Ukomeje Ukwizera KWANGE." Hano, nta bwo Avuga ku kwizera Kwe Bwite, ahubwo Abashima ku bw'ubudahemuka bwabo. Na none, Arongera akavuga ku «kwihangana kwabo». Kandi ubudahemuka n'ukwihangana birajyana.

Mu by'ukuri, ukwihangana ni imbuto y'ubudahemuka, kuko handitswe muri yakobo 1:3 ngo:

"Kugeragezwa ko kwizera kwanyu gutera kwihangana."

Nta bundi buryo bwo kugira ukwihangana. Kugomba guturuka k'ukugeragezwa k'ukwizera kwawe. Abaroma 5:3:

"amakuba atera kwihangana" [Bibiliya ya Darby]

Dushobora kureba muri Yakobo 1:4 uko Imana yishimira imirimo y'ukwihangana kwacu:

"Ariko mureke kwihangana gusohoze umurimo wako, mubone gutungana rwose mushyitse mutabuzeho na gato."

Ubushake bw'Imana kuri twe, ni ugutungana. Kandi uko gutungana ni ukwihangana: kwishyira mu biganza by'Imana no gutegereza Imana. Uko ni ko umuntu arema imico. Mbega ibikomeye Imana ikorera abera Bayo mu gisekuru cy'umwijima. Kuba abihangana nk'abana b'intama bashorerwa bajyanwa mu ibagiro, bakorera Imana bafite urukundo n'ubudahemuka. Icyo bari bategereje mu kubaho cyari ugukorera Umwami wabo. Mbega ingorano ihebuje bari bategereje!

"Nzi imirimo yaweko irusha iya mbere kuba myinshi".

Aho ni ho hari ikintu gitangaje by'ukuri. Mu gihe umwijima w'igisekuru wasakaraga, mu gihe urutonde rw'abashyirwa ku kibaho cy'abahowe Imana rwakorwaga uko bukeye n'uko bwije, bongezaga imirimo y'umubabaro, ishyaka ku murimo, ndetse no kwizera kwabo. Mbega ishyano kubona urukundo rugenda rugabanuka mu gisekuru cya Efeso. Kandi nta hantu na hamwe mu bindi bisekuru higeze havugwa ubwiyyongere bw'umurimo w'urukundo. Ni muri iki gisekuru, byongeye kandi, mu mwijima ukomeye w'ibisekuru byose, bongezaga umurego mu kuyikorera. Mbega isomo ! Uwo murimo ukorewe Imana ku bw'urukundo, ntucogore, ahubwo, wiyyongere. Ngiryo ibanga. Umwanzi natubuza gukorera Umwami, igisubizo cyacu kibe kumukorera cyane byimazeyo ! Mu gihe abanyantege nke bahindishwa umushyitsi n'ubwoba, ni igihe cyo kuririmba kunesha.

"Nzi imirimo yawe ya nyuma, irusha iya mbere kuba myinshi". Nk'uko twabivuze, iki gisekuru kitwa igisekuru cy'umwijima kuko mu by'ukuri ari cyo gihe cy'umwijima ukabije cyabayeho mu mateka. Cyari igithe cya papa Inosenti wa III ari we wihaye izina ry'igitinyiro rya "uhagarariye Kristo, umutegetsi w'ikirenga w'itorero n'isi", kandi ashayiraho URUKIKO RWA KILIZIYA (rucira imanza abantu bitwa ko bayobye cyangwa bakoze ibyaha bikomeye) —mu gihe cy'ubutegetsi bwe, yamennye amaraso menshi kuruta ubundi bwami bwabayeho (ntidushyizemo igithe k'ivugurura). Cyari igisekuru cy'ubutegetsi bwa maraya, ubutegetsi bwa maraya. Serije wa III yari afite inshoreke nuko yuzuza inshoreke ze n'abahungu b'ibinyendaro mu ngoro ya papa, kandi ingoro ya papa ayihindura indiri y'abajura." Anasitazi wa III aza gupfa yishwe n'inkota ya Maroziya, inshoreke ya Serije. Yohana wa XI yari umwana w'ikinyendaro wa Maroziya. Yohana wa XII yari umwuzukuru wa Maroziya, kandi yafataga ku ngufu abapfakazi n'abakobwa b'amasi, nuko yaje kwicwa n'umugabo w'umugore wari ufite umujinya mwinshi amusanze mu gikorwa cy'ubusambanyi. Cyari igithe k'igabana ry'ubutegetsi bwa papa, aho hariho imiryango ibiri y'ubupapa (umwe wari ahitwa Avinyo, undi uri i Roma) yaravumanaga kandi igahora irwana hagati yayo. Abo bapapa nta bwo baziraga gusa icyaha cy'ubusambanyi n'urukozasoni (kuba baragiraga abana benshi b'ibinyendaro, bishora mu buraya nk'ubw'i Sodomu, n'ibindi), ahubwo banazize kugurisha imyanya y'ubusaseridoti ku bantu baturaga menshi.

Nta handi urumuri rwigeze ruba ruke nko muri iki gisekuru, nyamara abizera bo muri iki gisekuru bakoranye imbaraga z'umurengera mu gihe umwijima warushagaho gusakara, ku buryo mu mpera z'igisekuru, abensi bahagurutse bagerageza gukora ubugorozzi. Ishyaka n'ugushaka byabo ni byo byatumye habaho ivugurura mu bihe byakurikiye. Ni yo mpamvu, nk'uko Ijambo rivuga ku bijyanye n'iki gisekuru, imirimo yawe ya nyuma (imwe yo mu mpera z'igisekuru) irusha iya mbere kuba myinshi.

Ijambo "Tuwatira" rifite ibisobanuro byinshi, muri byo harimo "igitambo gihoraho". Abensi bizera kubonera hano imenyeshwa ry'ubuhanuzi ku bijyanye na misa, ari yo kugaragara guhoraho kw'igitambo cya Kristo. Ni igitekerezo kiza bihebuje, ariko ntigishobora gusobanura igitambo gihorabo mu buzima no mu mikorere y'abizera nyakuri b'Umwami.

Nta gushidikanya, abo bizera b'i Tuwatira ni bo bari ururabyo nyakuri rugeze igithe k'isarurwa, buzuye Umwuka Wera no kwizera, baremewe imirimo myiza, bamamaza icyubahiro Ke, batitaye ku buzima bwabo bwite, baretse byose buje umunezero nk'igitambo kinezeza Umwami.

GUCYAH

Ibyahishuwe 2 :20 :

"Nyamara mfite icyo nkugaya, kuko ukundira (wihanganira) urya mugore Yezebeli wiyyita umuhanuzi kazi akgisha imbata zange, akaziyoba kugira ngo zisambane kandi zirye intonorano."

Twifashishije uwo murongo, nifuzaga ko mufata umurongo wa 23 kugira ngo tubone igihamya cy'ukuri gukomeye ari ko mbakangurira uhoreye mu itangiriro. "Kandi n'abana be nzabicisha urupfu, amatorero yose amenye ko ari Nge urondora ubwenge n'umutima."

Sinahwemye gusubiramo ko hariho amatorero abiri, nifuzaga ko mufata umurongo wa 23 kugira ngo tubone igihamya cy'ukuri gukomeye ari ko mbakangurira uhoreye mu itangiriro. "Kandi n'abana be nzabicisha urupfu, amatorero yose amenye ko ari Nge urondora ubwenge n'umutima." Sinahwemye gusubiramo ko hariho amatorero abiri, nifuzaga ko mufata umurongo wa 23 kugira ngo tubone igihamya cy'ukuri gukomeye ari ko mbakangurira uhoreye mu itangiriro. "Kandi n'abana be nzabicisha urupfu, amatorero yose amenye ko ari Nge urondora ubwenge n'umutima." Sinahwemye gusubiramo ko hariho amatorero abiri, nifuzaga ko mufata umurongo wa 23 kugira ngo tubone igihamya cy'ukuri gukomeye ari ko mbakangurira uhoreye mu itangiriro. "Kandi n'abana be nzabicisha urupfu, amatorero yose amenye ko ari Nge urondora ubwenge n'umutima." Sinahwemye gusubiramo ko hariho amatorero abiri, nifuzaga ko mufata umurongo wa 23 kugira ngo tubone igihamya cy'ukuri gukomeye ari ko mbakangurira uhoreye mu itangiriro. "Kandi n'abana be nzabicisha urupfu, amatorero yose amenye ko ari Nge urondora ubwenge n'umutima."

Nyamara, kuki Imana yita ariya matorero Ayayo kandi ari umuzabibu w'ikinyoma ? Ukuri, ni uko ari abakristo. Ariko si abakristo b'Umwuka. Ni abakristo b'umubiri. Iryo zina baryitirirwa ubusa. Mariko7:7 : "Bansengerwa kuko inyigisho bigisha ari amategeko y'abantu."

Ariko ni abakristo ; mbese ni iki kindi baba cyo ? Umwisiramu ni umwisiramu. Ntitwitaye ku mibereho ye, ni yo myizerere ye, kuko bizera mu magambo gusa inyigisho za korowani.

Ni nk'uko, umukristo ari umukristo igihe cyose yizera ko Yesu ari Umwana w'Imana, wabyawe n'umwari, akaba yarabambwe, agapfa hanyuma akazuka, akaba ari umucunguzi w'inyoko muntu, n'ibindi n'ibindi. (Bityo, mu gisekuru cya Lawodikiya, hazabaho abantu biyita abakristo kuko bemera imico myiza ya Yesu, banizigamira uburenganzira bwo guhakana Ubumana Bwe. Abayoboke b'ubushakashatsi bwa gikristo bamaze kubikora, kimwe n'abandi benshi, babwiriza ubutumwa bwa rusange budashinja ibyaha.) Ni umukristo wo ku izina, kandi ari mu itorero. Ariko si umwizera W'UKURI, cyangwa umwizera w'umunyamwuka. Umwizera w'umunyamwuka, ni uwabatirijwe mu Mubiri wa Kristo kandi akaba rumwe mu ngingo z'Umubiri We. Ariko nyamara, ni itegeko ry'Imana ko urukungu rukurana n'amasaka, kandi ntirukwiye kurandurwa. Imana yabitegetse ityo. Igihe kiraje ubwo ruzahambirwa rugatwikwa, ariko igihe ntikiragera.

Rero, Umwuka hari icyo abwira iri teraniro rivanze. Uruhande rumwe, Arashima, urundi Akagaya. Yavuze ikiza cy'umwigisha nyakuri. Ubu Araburira umuzabibu w'ikinyoma, Awubwira icyo gukora kugira ngo ushobore guhagarara utsindishirijwe imbere y'Umwami.

WA MUGORE YEZEBELI

Yakobo 1:14-15:

*"Ahubwo umuntu wese yoshywa iyo akururwa n'ibyo ararikiye, bimushukashuka.
Hanyuma iredi rari riratwita, rikabyara icyaha; icyaha na cyo cyamara gukura kikabyara
urupfu."*

Intumwa Yakobo yatweretse inzira z'icyaha izo ari zo. Dore ishusho nyayo y'ibirihio bibera neza neza mu bihe by'itorero. Nk'uko icyaha cyahereye ku marangamutima asanzwe, n'urupfu mu itorero rwatangiriye ku bikorwa byoroheje bidakunze kwigaragaza bya kinikolayiti. Ibyo bikorwa, ryaje kubigira inyigisho. Rishingiye kuri izo nyigisho, ryigaruriye ubutegetsi bwa leta, maze ryinjiza igipagani. Muri iki gihe, rigiye ubu kugera ubwo rigira umuhanuzi kazi waryo bwite (umuntu wigisha), maze rikomeza rityo urugendo rwaryo kugeza ryisanze mu nyanja yaka umuriro. Mu by'ukuri iredi ni ryo herezo ryaryo, urupfu rwa kabiri.

Nyamara, kurangurura kw'Imana kose kurwanya kiriya gisekuru cya kane kuri mu gushyira ahabona uriya muhanuzi kazi, Yezebeli. Kandi kugira ngo dusobanukirwe impamvu yo gushyira ahabona gutyo, biradukwiye gusubira mu mateka ye muri Bibiliya. Nitumara kubona ibyo yakoraga kiriya gihe, tuzamenya ibirihio bibera muri iki gihe turimo.

Icyo mbere – kandi k'ingenzi cyane twiga kuri Yezebeli, ni uko atari umukobwa wa Aburahamu, kandi iyinjira rye mu miryangi ya Isirayeli ritakozwe mu buryo bw'Umwuka, nk'uko byagenze kuri Rusi umumowabukazi. Oya, mugenzi. Uriya mugore yari umukobwa wa Etibali, umwami w'i Sidoni (1Abami 16:31), wari umutambyi wa Ashitaroti. Yari yarageze ku ngoma abanje kwica Phélès, uwamubanjirije. Turabona rero ko se yari umwicanyi (ibi biratwibutsa neza Kayini). Kandi ntiyari yarigeze yinjizwa muri Isirayeli mu buryo bw'Umwuka bwari bwaragenwe n'Imana bwo kwinjiza abatari Abayuda. Yari yarinjijwe n'ishyingiranwa rye na Ahabu, umwami w'imiryango cumi ya Isirayeli. Nyamara, nk'uko twabibonye, ntibwari ubumwe bwo mu Mwuka; ahubwo bwari ubwa Politiki. Bityo uyu mugore wivurugutaga mu bigirwamana ntiyari afite ubushake na buke bwo kuzahinduka uwo kuramya Imana y'ukuri yonyine. Ahubwo, yazanye n'umugambi weruye wo kuba Abisirayeli guhindukirira Imana.

Nyamara, Isirayeli (imiryango cumi) yari yaramaze kumenyera kuramya inyana zikozwe mu izahabu, ariko yari itarirundumurira byimazeyo mu bigirwamana, kuko baramyaga Imana kandi bakemera amategeko ya Mose. Ariko Ahabu amaze kurongora Yezebeli, kuramya ibigirwamana byafashe intera ya kirimbizi. Ni bwo uyu mugore yabaye umutambyikazi mu nsengero yubakiye Ashitaroti (Venus) na Baal (imana-zuba) kugeza ubwo Isirayeli yageze aharindimuka kuva yabaho.

Tumaze kubona ibi, dushobora noneho gusobanukirwa icyo Umwuka w'Imana atwereka muri iki gisekuru cya Tuwatira, ari na byo by'ibi.

Ahabu yarongoye Yezebeli mu nyungu za politiki, agamije gukomeza ubwami bwe no kubushygikira. Ni byo itorero ryakoze neza ryunga ubumwe, ku ngoma ya Konsitantini. Ni impamvu za politiki zabahuje, nubwo bihaye urwitwazo nk'urw'abanyamwuka. Nta n'umwe uzanyemeza ko Konstantini yari umukristo. Yari umupagani wigize umukristo. Yasigishije irange ry'umweru ku misaraba iri ku ngabo z'abasirikare. Ni na we watangije umuryango witwa abarwanyi ba Colomb (Chevaliers de Colomb). Yashyirishije umusaraba ku isongero ry'inzogera y'umunara wa Kilizya ya mutagatifu Sofiya, hanyuma

ibyo biza kugirwa umugenzo.

Ni Konsitatini wagize igitekerezo cyo guhuriza hamwe bose, abapagani, abakristo bo ku izina n'abakristo b'ukuri. Mu gihe gito, yabaye nk'ubigezeho, kuko abizera nyakuri, bazaga bizeye gushobora kugarura abari baragiye kure y'Ijambo. Aho baboneye ko batashoboraga kubagarura mu kuri, baje guhatwa kwitandukanya na politiki. Kuva icyo gihe, biswe abayobe, kandi baratotezwa.

Nimunyemerere mvuge ko ibimeze nka byo ubu biriho gukorwa. Abantu bose bishyize hamwe. Barandika Bibiliya bazahuriraho bose, Abayuda, Abagatolika cyangwa Abaporoso. Bafite inama yabo yihariye i Nikeya; bo bayita Inama mpuzamadini. Mbese muzi uwo ayo madini arwanya? Arwanya Abapantekote b'ukuri. Simvuga idini ryitwa Abapantekote. Ndavuga Abapantekote kuko buzuye Umwuka Wera, kandi bagaragaza ibimenyetso n'impano kuko bagendera mu Kuri.

Mu gushaka Yezebeli ku mpamu za politiki, Ahabu yagurishije umurage we w'umwana w'imfura. Mu kwifatanya n'idini, uba ugurishije umurage wawe w'umwana w'imfura, bene Data, mwabyizerwa cyangwa mutabyizerwa. Amatsinda y'Abaporoso yose yasohotse mu idini hanyuma akarisubiramo, yagurishije umurage wayo w'umwana w'imfura kandi, iyo ugurishije umurage wawe w'umwana w'imfura, wisanga wabaye nka Esawu: uzarira cyane unihane uko ushoboye kose, ibyo nta cyo bizakugezaho. Hasigaye gusa gukora ikintu kimwe, ni: "ugusohoka mu idini, bwoko bwange; kandi ntumuzagire uruhare mu byaha byabo!" Niba mushidikanya ku byo mbabwiye, nimusubize rero iki kibazo: hari umuntu wambwira itorero cyangwa umuryango w'Imana wigeze kugira ububyutse, hanyuma ukagarukira Imana nyuma yo guhinduka idini? Nimwige amateka. Nta na rimwe muzabona — nta na rimwe.

Saa sita z'ijoro zarageze kuri Isirayeli ubwo yifatanyaga n'isi, igurana iby'Umwuka ibya politiki. I Nikeya, saa sita z'ijoro zaruzuye ubwo itorero ryakoraga nk'ibyo. Saa sita z'ijoro ziruzuye ubu, igihe amatorero ariho yishyira hamwe.

Nyamara, ubwo Ahabu yarongoraga Yezebeli, yaramwemereye akora mu isanduka ya leta kugira ngo yubake insengero ebyiri nini zo kuramirizamo Ashitaroti na Bayali. Ursengero rwubakiwe Bayali rwari runini cyane ku buryo abaturage ba Isirayeli hafi ya bose bashoboraga kuruteraniramo. Kandi ubwo Konsitatini yihuzaga n'itorero, yarihaye inyubako nyinshi, azishyiramo ibicaniro n'ibishushanyo by'ibicurano, maze atangizamo inzego z'ubuyobozi.

Ashygikiwe n'ubutegetsi bwa Leta, Yezebeli ategeka igihugu cyose kuyoboka idini rye maze yica abahanuzi n'abatambyi b'Imana. Igihe cyari gicuze umwijima ku buryo Eliya, intumwa y'icyo gihe, yatekerezaga ko ari we wenyine wari usigaye. Nyamara, Imana yari yarishigarije 7000 bitari byarigeze bipfukamira Bayali. Na n'ubu kandi, hagati y'aya madini ya Kibatisita, kimetodisite, gipuresibiteriyani, n'ayandi, haracyari bamwe bazasohoka kandi bakazagarukira Imana. Mumenye neza ko ntawanya abantu, kandi ko ntigeze mera ntyo. Ni idini n'imikorere y'amadini ndwanya. Mpaswe kubirwanya kuko ari Imana ibyanga.

Turuhuke ubu kugira ngo dusubire mu byo twabonye mu kuramya nk'uko babikoraga i Tuwatira. Navuze ko baharamirizaga Apoluwon (wari ikigirwamana-zuba) hamwe n'umwami w'abami. Nyamara, uwo Apoluwon yi twaga: "uwigizayo ikibi". Yigizayo ikibi, kugira ngo kidakubita abantu. Yabahaga umugisha, kandi kuri bo yari imana y'ukuri. Bamufataga nk'uwigishaga abaturage. Yabasobanuriraga uko basenga, imihango y'urusengero, uko bakorera ibigirwamana, ubutambyi, urupfu, n'ubuzima nyuma y'urupfu. Yavugiraga mu muhanuzikazi wahanzweho, wicaye ku ntebe y'amaguru atatu. Oh la la! Muramubona? Nguwo wa muhanuzikazi witwa Yezebeli, maze akgisha abaturage. Kandi inyigisho ze ziyobia abakozi b'Imana, zibajyana mu busambanyi, noneho ubusambanyi busobanura: "Ugusenga ibigirwamana". Ngibyo ibisobanuro by'Umwuka by'iryo jambo. Ni ukwihuza kunyuranije n'amategeko. Ukwihuza kwa Ahabu n'ukwa Konsitantini kombi kwari kunyuranije n'amategeko. Bombi bakoze ubusambanyi bwo mu Mwuka. Abasambanyi bose bazisanga mu nyanja y'umuriro. Ni ko Imana ivuga.

Bityo, inyigisho y'itorero Gatolika (itorero, risobanura umugore) rihakana Ijambo ry'Imana. Papa, ari we Apoluwon nyakuri mu mvugo ya none, yigishije abantu kwizirika ku bigirwamana. Itorero ry'i Roma ubu ryahindutse umuhanuzikazi w'ibinyoma ku bantu, kuko yavukije abantu Ijambo ry'Uwiteka, maze ribaha ibitekerezo byaryo bwite ku birebana no kubabarirwa ibyaha n'uburyo bwo kubona imigisha y'Imana. Abapadiri baragiye bagera ubwo bashimangira beruye ububasha bwabo, atari gusa mu buzima, ahubwo ndetse no mu rupfu. Bigisha-ku giti cyabo-ukubaho kwa purugatori n'aho batangira ikiru k'ibyaha, kandi ibyo ari nta ho tubibona mu Ijambo. Bigisha ko umuntu ashobora gusohoka muri purugatori akajya mu Ijuru ku bw'amasengesho, za misa n'amafaranga. Imikorere yose ishingiye ku myigishirize ye ni ubuyobe. Ntishingiye ku rufatiro rukomeye rw'uguhishurirwa Imana mu Ijambo Ryayo, ahubwo ishingiye ku musenyi unyerera w'ibinyoma bya Satani.

Itorero ryahise riva mu kwishyiriraho gahunda rijya mu kugira inzego, maze rijya mu myigishirize y'ubuyobe. Ni ibyo neza neza. Abagatolika b'i Roma ntibizera ko Imana iri mu Ijambo Ryayo. Oya mugenzi. Baramutse babyemeye, byabasaba kwihana no kwisubiraho, ariko bavuga ko Imana iri mu Itorero Ryayo. Muri icyo gihe, Bibiliya yabaye amateka y'itorero Gatolika. Si ko bimeze. Murabona ibyo bakoze, si

umubatizo w'amazi: icyari umubatizo wa Gikristo, bakigize umubatizo wa gipagani, mu byitiriro.

Munyemerere mbabwire ibyabaye hagati yange n'umupadiri. Umukobwa w'inkumi nari narigeze kubatiza yahindutse umugatolikakazi, hanyuma Padiri ashaka kumumbazaho. Ambaza umubatizo yari yarabatijwemo. Namushubije ko namubatije umubatizo wa Gikristo, umwe wonyne wabayeho uko mbizi. Nari namuhambye mu mazi mu Izina ry'Umwami wacu Yesu Kristo. Padiri yanyumvishije ko hari igihe itorero Gatolika ryigeze gukora nk'ibyo. Namubajije rero igihe itorero Gatolika ryabatizaga rityo; muri make, nasomye amateka yabo, nta na hamwe nigeze mbisanga. Ambwira ko ibyo byari muri Bibiliya kandi ko ari Yesu washyizeho inzego z'itorero Gatolika. Namubajije niba atekereza ko Petero ari we wabayeb'yukuri Papa wa mbere. Ahamya bidasubirwaho ko Petero yari we. Namubajije niba barasomaga misa mu Kilatini kugira ngo babe bahamirijwe ko zavuzwe mu buryo butunganye kandi bikaba bitahindurwa. Aransubiza ngo yego. Namubwiye rero ko nasanze bari kure y'ibyo bahoranye mu itangiriro. Namumenyesheje ko niba itorero Gatolika ryarizeraga by'ukuri igitabo k'ibyakozwe n'intumwa, rero nari umugatolika wa kera. Ambwira ko Bibiliya yari amateka y'itorero Gatolika, kandi ko Imana iri mu itorero. Ndabimuhakanira, kuko Imana iri mu Ijambo Ryayo.

Imana imenywe nk'inyakuri, naho umuntu wese abe umunyabinyoma. Nugira icyo ugabanya cyangwa wongera kuri iki Gitabo, Imana yasezeranye ko izahanisha ibyago abazongera, kandi ko izakura ku mugabane wa cya Gitabo cy'Ubugingo abatinyuka kugira icyo ari cyo cyose bagabanyaho. Ibyahishuwe 22:18-19.

Ngiye kubereka uburyo itorero Gatolika ry'i Roma ryizera ko Imana iri mu itorero, ntibe mu Ijambo. Dore agace k'ikinyamakuru kanditswe na Papa Yohani XXIII: "Ubunararibonye bwange bw'imyaka itatu y'ubupapa, guhera igihe nakiranye guhinda umushyitsi ubu butambyi no kubaha gutunganye ubushake bw'Imana, nahawe binyujijwe mu nama y'ibanga y'abakaridinali ihamba icky gikorwa, bwambereye impamvu ikomeye yo kudahemukira ikizere kidakuka nagiriwe mu Mana ku birebana n'iby'iki gihe, n'umutekano wuzuye ku birebana n'igihe kizaza." Uyu mupapa ahamya ko Imana yahishuye ubushake Bwayo ibinyujije mu itorero. Mbega ukuntu ari ikinyoma! Imana iri mu Ijambo Ryayo, kandi Ihishura ubushake Bwayo ibinyujije mu Ijambo Ryayo. Uyu mupapa yongera guhamya ko agirira ikizere ijambo ry'abantu kandi, ku bw'ibyo, ni ukuryumvira mu mutozo. Ibyo byose nubwo bisa nkaho ari byiza, ni ubuyobe bukabije. Neza neza nka bwa buyobe bwabayeho mu ngobyi ya Edeni.

Tuge ubu mu gice cya 17 k'Ibyahishuwe kugira ngo turebe uyu mugore, itorero, uwo ubuzima bwe bushingiye ku buhanuzi bw'ikinyoma, atari ku Ijambo ry'Imana. Ku murongo wa 1, Imana imwita Maraya ukomeye. Kuki ari umumaraya? Ni uko aba mu kuramya ibigirwamana. Ynjiza ubwoko muri ibyo bintu. Ni uwuhe muti waboneka wo kurwanya ibigirwamana? Ijambo ry'Imana. Bityo, uyu mugore ni Maraya, kuko yataye Ijambo. Nguriya yicaye ku mazi magari, bisobanura imbaga y'abantu. Iryo nta kindi ryaba cyo uretse itorero ry'ikinyoma, kuko Itorero ry'Imana ari rito – bake gusa ni bo babona inzira yaryo.

Nimurebe icky riri cyo mu maso y'Imana, nubwo abantu baribonamo igitangaza n'irinyabwenge: ryivuruguta mu isindwe ry'ubusambanyi bwaryo. Nyamara ryari ryasindishijwe n'amaraso y'abahowe Imana. Neza neza nka Yezebeli wari warishe abahanuzi n'abatambyi, hanyuma akica ubwoko bw'Imana, abangaga gupfukamira Bayali no kuyiramya. Ngibyo rero ibyo itorero Gakolika ryakoze neza neza. Ryishe abangaga kuyoboka ubutegetsi bwa Papa. Abashakaga Ijambo ry'Imana atari amagambo y'abantu barishwe, abenshi muri bo bicanywe ubugome bukabije. Arikoyo torero ryagize urupfu umushinga waryo ryari ryarapfuye ubwaryo kandi ntiribimenye. Nta buzima ryari rifite, kandi nta kimenyetso na mba cyariherekezaga.

IGIHE CYO KWIHANA

Ibyahishuwe 2:21:

"Icyakora namuhaye igihe, cyo kwihana ariko ntiyashaka kwihana ubusambanyi bwe."

Mwaba muzi ko iri torero ryarushaga ububi Ahabu? Mwaba muzi ko, mu gihe kimwe, we yigeze kwihana maze "akagenda nk'udashaka" imbere y'Imana? Nta wabigereranya n'iby'itorero Gatolika ry'i Roma. Oya mugenzi. Atari gusa ko ritigeze ryihana, ahubwo ryahagurukiye kurimbura abagerageje kurifasha kwihana bose. Aya ni amateka. Nyamara, Imana ntiyahagurukije gusa intumwa kuri buri gisekuru, ahubwo Yahagurukije na none abafasha beza b'izo ntumwa. Yahaye buri gisekuru abantu b'Imana beza bakoze uko bashoboye kose ngo bagarurire Imana Itorero. Nta gushidikanya ko Imana yarihaye amahirwe n'ubufasha ngo ryihane. Ryaba ryarigeze ryihana, ese ryaba ryarigeze ribigaragaza mu mbuto zaryo? Oya mugenzi. Ntiryigeze ryihana, kandi ntiriteze kuzihana. Rirasinze. Ryatakaje Umwuka ku birebana n'iby'Umwuka.

Noneho, ntimukitiranye ibintu, ntimukizere ko itorero ry'i Roma ryihannye itsempatsema ry'abera kuko rigerageza kwifatanya n'Abaporoso riboneza amahame yaryo ku ya giporoso. Ntiryigeze, habe na rimwe, ryemera amakosa yaryo, habe no gusaba imbabazi ku matsempatsema ryakoze. Nta bwo riteze kuzabikora. Ntimutwarwe nuko ryigaragaza muri iki gihe, mu bwiyoroshye n'ubudahwema: rizongera

rihagurukire kwica, kuko kwica gutuye mu mutima waryo mubi kandi utihana.

URUBANZA RUCIRIWE MARAYA

Ibyahishuwe 2:22-23:

"Dore nzamugusha ku buriri, mutezane amakuba menshi n'abasambane be, nibatihana imirimo yabo mibi."

Kandi abana be Nzabicisha urupfu; kandi amatorero yose azamenya ko ndi urondora ubwenge n'imitima, kandi nzitura umuntu wese wo muri mwe ibikwiriye ibyo yakoze."

Iki ? Uyu mugore afite rero abana ? Ese ni maraya ? Niba yarabyaye abana mu buraya bwe, rero, agomba kuzatwikwa mu muriro nk'uko Ijambo ribivuga. Ni ukuri neza neza. Ni ryo herezo rye, kuko azakongorwa n'umuriro. Azarangiriza mu nyanja yaka umuriro. Arik muhagarare akanya kugira ngo twitegereeze abana be. Abana babyarwa n'umugore. Ni ibigaragara ko uyu mugore yabyaye abana kandi bakora nka we. Munyereke itorero byibura rimwe ryasohotse mu idini ritasubiye kuba idini. Nta ryo wabona -nta na rimwe. Abaluteriyani barisohotsemo, hanyuma bongera gukora idini. Kandi ubarebe ubu bagenda ikiganza mu kindi mu kanama mpuzamadini. Abametodisite barisohotsemo, na bo bongeye gukora idini. Abandi bazarisohokamo, ariko Imana ishimwe bo ntibazongera gukora idini, kuko bazi ukuri. Iri tsinda rizaba Umugen w'umunsi w'imperuka.

Nyamara, biravugwa hano ko maraya yari afite abana. Abo bana bari ba nde? Bari abakobwa, kuko bari amatorero nka we. Dore ingingo inshishikaje cyane. Yezebeli na Ahabu babyaye umukobwa. Arongorwa na Yoram, umuhungu wa Yehoshafati, kandi mu Bami 8:16, hanavugwamo ko:

"Yoram agendera mu nzira za sebukwe."

Binyuze mu gushyingirwa kwe, yinjiye wese mu kuramya ibigirwamana, Yuda, kugeza ubwo, watinyaga kandi akaramya Imana. Ni byo neza neza byakozwe n'ariya matorero yose, nk'uko nabibagaragarije. Atangirira mu kuri, hanyuma akifataniriza mu madini, bagata Ijambo ku bw'imigenzo, amahame n'ibindi. Ubu, sinabura kubereka ibi. Mu Baheburayo 13:7:

"Mwibuke ababayoboraga kera, bakababwira Ijambo ry'Imana."

Ni Ijambo rituyobora, si abantu. Nyamara nk'umugabo ni umutware w'umugore. Afite ubutware ku mugore. Arik itorero na ryo ni umugore, kandi umutware waryo ni Ijambo. Yesu ni Ijambo. Iyo ajugunye Ijambo, hanyuma akayoboka ubundi butware, aba ari umusambanyikazi. Ubu mumbwire itorero rimwe gusa ritataye Ijambo ngo ribe ryarayobotse amagambo n'amahame bya kimuntu. Yose ni maraya—umwari ava mwa nyina.

Ni igihano bwoko ki maraya n'abana be bagomba kuzahabwa ? Neza, hazabaho ibihano bibiri. Ubwa mbere, Iravuga iti : "Nzamugusha ku buriri." Nk'uko agace ka nyuma k'umurongo wa 22 kabivuga, buzaba ari uburiri bw'umubabaro ukomeye. Ni byo neza neza Yesu yavuze muri Matayo 25 :1–13 hariho abari icumi. Batanu b'abanyabwenge n'abatanu b'abapfapfa. Batanu bari abanyabwenge bari bafite amavuta (Umwuka Wera), naho batanu bandi bakaba ari nta yo bari bafite. Ubwo ijwi ryarangururaga riti : « Dore umukwe ! », ba bari batanu b'abapfu byababereye ngombwa kwiruka bajya gushaka amavuta, mu gihe abari batanu b'abanyabwenge binjiraga mu cyumba k'ibirori by'ubukwe. Abatanu bari basigaye hanze basizwe kugira ngo banyure mu mubabaro ukomeye. Ni byo bizaba ku batazajya mu izamurwa bose. Ni cyo kizaba kuri maraya n'abakobwa be. Ikindi kandi bivugwa ko Izabicisha urupfu, kandi dusemuye ijambo ku rindi : "Bicishwe urupfu." Iyi mvugo ntisanzwe. Twavuga tuti : « Umuntu runaka yicishwe kunyongwa, cyangwa amashanyarazi, cyangwa ubundi buryo. » Arik biravugwa ngo : « bicishwe urupfu. » Urupfu ubwarwo ni rwo mpamvu y'urupfu rwabo.

Nifuzaga ko mubisobanukirwa neza, na none nongere mfate ishusho y'umukobwa wa Yezebeli, arongowe yinjizwa mu muryango wa Yuda, ahinjiza atyo ukuramya ibigirwamana, byateye Imana kurekurira Yuda mu rupfu. Ni na byo Balamu yakoze. Rero, dore Yezebeli n'ubupagani bwe. Mbere, Yuda yari afite kuramya gushimwa n'Imana, aba mu Ijambo. Hanyuma Yezebeli ashyingira umukobwa we Yoram. Ako kanya, Yoram ajyana ubwoko bwe kuramya ibigirwamana. Ubwo bukwe bumaze gutaha, Yuda yarapfuye. Urupfu rwo mu buryo bw'umwuka rwarinjiye. Uhoreye igihe itorero rya mbere ry'i Roma ryabereye idini, ryarapfuye. Uhoreye igihe Abaruteriyani babereye idini, urupfu rwarinjiye hanyuma barapfa. Ubwa nyuma haje Abantekote, bahindutse idini. Umwuka arabasiga, nubwo banga kubyemera. Arik yabavuyemo. Uko gushyingiranwa kwazanye urupfu. Hanyuma haje umucyo w'ubumwe bw'ubumana. Na bo kandi bahindutse idini, maze barapfa. Hanyuma, nyuma yaho umuriro w'Imana umanukiye ku mugezi wa Ohio muri 1933, igikorwa cy'ububyutse cyo gukiza indwara cyasakaye ku isi hose ; ariko nticyari gikomotse mu idini. Imana yakoreye hanze y'amatsinda ya gipantekote, hanze y'amadini, kandi ibyo Izakora igihe kizaza na byo bizakorerwa hanze y'amadini. Imana ntishobora kwifashisha abapfu kugira ngo Ikore. Ntishobora gukorera ahandi atari mu ngingo NZIMA. Izo ngingo nzima ziri hanze ya Babuloni.

Bityo, murabona, "urupfu", cyangwa "idini", rwarinjiye, hanyuma itorero rirapfa, cyangwa, kugira ngo birusheho gusobanuka, urupfu rwinjiye hariya aho igihe gito hambere, UBUGINGO bwari bwiganje bwonyine. Kimwe no mu itangiriyo, Eva yazaniye urupfu inyoko muntu, bityo, ubu, idini ryazanye urupfu, kuko idini ari umusaruro w'abangizi babiri : ubunikolayiti n'ububalamiti, bwamamajwe n'umuhanuzikazi Yezebeli. Nyamara, Eva yakagombye kuba yaratwikanwe n'inzoka, bitewe n'igikorwa cyabo giteye uwomba. Arik Adamu yaritabitse, maze ahita ajyana Eva, kugira ngo akire. Arik ubwo ririya dini rya Satani rizaba rirangije urugendo rwaryo mu bihe, nta muntu uzaba uhari wo gutabara, hanyuma rizatwikanwa n'uwareyobeje, kuko maraya n'abana be, hamwe n'abiyita abakristo na Satani, bazagira umugabane wabo mu nyanja yaka umuriro.

Hano, nifuzaga guitarukira imbere. Nagombaga wenda kuzigama icyo ndibuvuge nk'ubutumwa bw'igihe cya nyuma, ariko bimbereye byiza ko mbubagezaho nonaha, kuko icyo ngiye kubabwira kigaragaza idini mu buryo busobanutse n'ibizabaho bitewe na ryo. Kandi ndashaka kubaburira.

Ibyahishuwe 13 :1-8 :

"Ngihagarara ku musenyi wo ku nyanja. Ngiye kubona mbona inyamaswa iva mu nyanja ifite amahembe icumi n'imitwe irindwi, ku mahembe yayo hariho ibisingo cumi, no ku mitwe yayo hakabaho amazina yo gutuka Imana.

Iyo nyamaswa nabonye yasaga n'ingwe ; amajanja yayo agasa n'ay'idubu, n'akanwa kayo gasa n'ak'intare. Cya kiyoka kiyoha imbaraga zacyo n'intebe yacyo y'ubwami, n'ubutware bukomeye.

Nuko mbona umwe mu mitwe yayo usa n'ukomeretse uruguma rwica rurakira. Kandi abari mu isi yose bakurikira iyo nyamaswa bayitangarira.

Baramya icyo kiyoka, kuko cyari cyahaye iyo nyamaswa ubutware bwacyo ; baramya n'yo nyamaswa, bati : ni nde uhwanye n'iyi nyamaswa, kandi ni nde ubasha kuyirwanya ? Ihabwa akanwa kavuga ibikomeye n'ibyo gutuka Imana ; ihabwa kurama ngo imare amezi mirongo ine n'abiri.

Ibumburira akanwa kayo gutuka Imana, no gutuka izina ryayo, n'ihema ryayo, n'ababa mu Ijuru.

Ihabwa kurwanya abera, no kubanesha. Ihabwa no gutwara imiryango yose, n'amoko yose, n'indimi zose n'amahanga yose.

Abari mu isi yose bazayiramya, umuntu wese izina rye ritanditswe mu gitabo cy'ubugingo cy'Umwana w'Intama watambwe uhoreye ku kuremwa kw'isi.

Ufite ugutwi, niyumve.

Nihagira ujyana abandi ho iminyago, na we ubwe azajyanweho umunyago; kandi uwicisha abandi inkota, na we akwiriye kwicishwa inkota. Aho ni ho kwhangana kw'abera kuri no kwizera kwabo.

Nuko mbona indi nyamaswa izamuka iva mu butaka, ifite amahembe abiri nk'ay'Umwana w'Intama, ivuga nk'ikiyoka.

Itegekesha ububasha bwose bwa ya nyamaswa ya mbere mu maso yayo, ihata isi yose n'abayirimo ngo baramye ya nyamaswa ya mbere, yakize uruguma rwica.

Kandi ikora ibimenyetso bikomeye, imanura umuriro uva mu Ijuru ugwa mu isi, mu maso y'abantu.

Iyobesha abari mu isi ibyo bimenyetso yahawe gukorera imbere ya ya nyamaswa, ibabwira kurema igishushanyo cya ya nyamaswa yari ikomerekejwe n'inkota ikabaho.

Ihabwa guha icyo gishushanyo k'inyamaswa guhumeka, ngo kivuge, kandi kicishe abatakiramya bose.

Itera bose, aboroheje n'abakomeye, abakire n'abakene, ab'umudendezo n'ab'imbata, gushyirwaho ikimenyetso ku kiganza k'iburyo cyangwa mu ruhanga,

kugira ngo hatagira umuntu wemererwa kugura cyangwa kugurisha, keretse ufite icyo kimenyetso, izina rya ya nyamaswa cyangwa umubare w'izina ryayo.

Aha ni ho ubwenge buri. Ufite ubwenge abare umubare w'ivo nyamaswa. Kuko ari umubare w'umuntu, kandi umubare we ni magana atandatu na mirongo itandatu na gatandatu."

Iki gice kitweretse imbaraga z'itorero Gatolika ry'i Roma, n'icyo rizakorera mu idini. Nimwibuke uyu, ni umuzabibu w'ikinyoma. Nubwo yavuga Izina ry'Uwiteka, iteka abivugana umwuka w'ikinyoma. Ntiriyoborwa n'Uwiteka, ahubwo riyoborwa na Satani. Iherezo azigaragaza asa byuzuye n'inyamaswa. Maraya, wicaye ku nyamaswa itukura, yerekana neza ko imbaraga zayo zikomoka ku mana y'urugomo (Satani), atari ku Mana yacu, ku Mwami Yesu Kristo.

Ibivugwa ku murongo wa 17, birasobanutse neza ko azikubira ubukungu bwo mu isi bwose, kuko ari nta we ushobora kugura cyangwa kugurisha atamunyuzeho. Ibyahishuwe 18 :9, 17 harabihamya, kuko iyi mirongo yerekana urwego yifatanijemo n'abami, ibikomangoma n'abacuruzi, basangiye ubucuruzi na Roma.

Mu Byahishuwe 13 :14, tubona ko inyamaswa ikongeza hose ikoreshheje ishusho bayihaye. Iyo shusho bayihaye ni inama mpuzamadini y'isi yose, aho amatorero yahindutse amadini azungira ubumwe n'abagatolika b'i Roma (bari kubikora n'ubu ndetse). Birashoboka neza ko ubwo bumwe bugamije kurimbura imbaraga z'ubukomunisite. Ariko kuko ubukomunisite nka Nebukadinezari bwahagurukijwe no gutwika umubiri wa maraya, Roma izaneshwa irimburwe. Mumenye neza ko aho kilizya Gatolika yagiye ishinga ibirindiro hose, ubukomunisite bwagiye bukurikiraho. Ni uko bigomba kugenda. Kandi mureke mbaburire nonaha, ntimuze gutekereza ko ubukomunisite ari bwo mwanzi wanyu wenyine. Oya mugenzi. Na none muracyafite umwanzi uruta abandi, ni itorero Gatolika.

Noneho dusome Ibyahishuwe 13 :1- 4, maze tugereranye n'Ibyahishuwe 12 :1-5.

Ibyahishuwe13 :1- 4 :

"Ngihagarara ku musenyi wo ku nyanja, ngiye kubona mbona inyamaswa iva mu nyanja yari ifite amahembe cumi n'imitwe irindwi, kandi kuri ayo mahembe yayo hariho ibisingo cumi, no kuri iyo mitwe yayo hariho amazina yo gutuka Imana.

Inyamaswa nabonye yasaga n'ingwe ; ibirenge byayo byari bimeze nk'iby'idubu, n'akanwa kayo kasaga n'ak'intare. Cya kiyoka kiyiha imbaraga zacyo, n'intebe yacyo y'ubwami, n'ubutware bukomeye.

Mbona umwe mu mitwe yayo usa n'ukomeretse uruguma rwica ; ariko urwo ruguma rwica rurakira. Abari mu isi bose bakurikira iyo nyamaswa bayitangarira. Baramya icyo kiyoka, kuko cyari cyahaye iyo nyamaswa ubutware bwacyo ;

hanyuma baramya iyo nyamaswa, bat : « Ni nde uhwanye n'iyo nyamaswa, kandi ni nde ubasha kuyirwanya ?»

Ibyahishuwe 12 :1-5 :

"Ikimenyetso gikomeye kiboneka mu Ijuru : umugore wambaye izuba, ukwezi kuri munsi y'ibirenge bye, n'ikamba ry'inyenyeri cumi n'ebyiri ku mutwe we. Yari atwite, kandi yaratakaga, ari mu gihe cyo kuramukwa no kubabazwa n'ibise.

Mu ijuru haboneka ikindi ikimenyetso ; maze dore, mbona ikiyoka kinini gitukura, gifite imitwe irindwi n'amahembe cumi, no ku mitwe yacyo gifite ibisingo birindwi.

Umurizo wacyo ukurura kimwe cya gatatu k'inyenyeri zo ku Ijuru, uzijugunya mu isi. Icyo kiyoka gihagarara imbere y'ubo mugore waramukwaga, kugira ngo namara kubyara gihere ko kirye umwana we kimutsotsobe, igihe azaba amaze kubyara.

Abyara umwana w'umuhungu, uzaragiza amahanga inkoni y'icyuma. Umwana we arasahurwa ajyanwa ku Mana no ku ntebe yayo."

Satani n'idini rye rya gisatani biri muri izo nyamaswa zombi. Mu Byahishuwe 14; inyamaswa ifite uruguma rwica rwakize ni Roma ya cyami mpagani yaneshejwe n'Abanyeshyanga rigawa, kandi yahatakarije imbaraga zayo z'igihe gito. Ariko yazisubiranye muri Roma ya gipapa. Murabibona? Ishyanga ryashyizeho ubwami bwaryo risya icyo ari cyo cyose aho rinyuze, kandi ryari ryahindutse ubwami bw'ubwami burusha imbaraga ubundi bwose twigeze kumenya, ryaruhiye gukomeretswa uruguma rwica. Imbaraga z'ubutunzi ryari ryaraheshejwe no gukomera kw'ingabo zaryo n'ibindi, twavuga, byari byatakaye. Ariko, ku ngoma ya Konsitantini, ryarazutse, kuko Roma ya gipapa yaceneye hose mu isi, kandi ifite ubutegetsi budahindurwa. Kandi yifashishiye abami n'abacuruzi, n'imbaraga zica z'idini ryayo n'ubwami bw'ifaranga bwaryo bimushoboza gutegeka nk'ikigirwamanakazi k'igihe cyacu. Ni na yo kandi cya kiyoka cyari gihagaze imbere y'umugore kugira ngo gitsotsobe umwana we. Herode yari yaragerageje kwica Umwami Yesu, ariko yarabinaniwe. Bishyize kera, Yesu aza kubambwa n'abasirikare b'Abaroma, ariko ubu Yashyizwe hejuru ajya ku ntebe y'ubwami.

Uhoreye ubwo, nimugereranye ibyo maze kubabwira n'iyerekwa rya Daniyeli. Agace ka ya shusho y'imbumbano kavuzweho bwa nyuma, kari ibirenge, byari bihagarariye ubutegetsi bwa nyuma bw'isi. Byari

bigizwe n'icyuma n'ibumba. Murabona, icyuma cyari ubwami bwa Roma. Ariko ntibukiri mu cyuma cy'umwimerere, ibumba ryakivanzemo. Nyamara kiracyarimo, kiyobora iby'isi, haba mu bihugu bitegekwa na rubanda haba no mu bitegekwa n'abami. Itorero Gatolika riri muri buri gihugu. Ryivanze muri byose.

Nashakaga kugira icyo mbabwira ku birebana n'icyuma n'ibumba. Muribuka umunsi Kroutchev yikuyemo urukweto rumwe akarukubita ku meza mu Muryango w'Abibumbye (ONU)? Neza aho byari, ibihugu bitanu by'i Burasirazuba, n'ibihugu bitanu by'i Burengerazuba. Krouchev yavugiraga Uburasirazuba, naho Perezida Heisenhouwer akavugira Uburengerazuba. Mu kirusiya Krouchev bivuga: "ibumba" naho Heisenhower rigasobanura: "icyuma". Abatware bombi b'isi b'ingenzi - amano y'ibikumwe by'ibirenge by'icyuma n'ibumba yombi-yari yegeranye. By'ukuri turi ku iherezo ryabwo bwose.

Ku murongo wa 4, harabaza hati:

"Ni nde ubasha kurwanya ya nyamaswa?"

Nyamara, ubu mu isi hari amazina amwe y'igitinyiro. Hari amahanga akomeye, ariko ni Roma ubu iyobora ubwato. Ni Papa uyobora. Kandi ubutegetsi buzarushaho gukomera. Ntawashobora kumurwanya.

Umurongo wa 6:

"Kandi ibumburira akanwa kayo gutuka Imana."

(Yigisha amahame ari yo mategeko y'abantu; ibyigenge, bikakaza, bakunda ibibanezeza, bafite ishusho yo kwera, ariko bahakana imbaraga zako)." Yatutse Izina ry'Imana, asimbuza ired Zina ibyitiriro, kandi yanga kugira icyo ahindura.

Umurongo wa 7:

"Ihabwa kurwanya abera."

Ugutotezwa-urupfu rw'umwizerwa nyakuri, kandi ibyo byose mu Izina ry'umwami, ku buryo Izina ry'Imana ritukwa, nk'uko biri mu Burusya kubera ibyo idini Gatolika ryakoreyeyo.

Umurongo wa 8:

"Abari mu isi bose bazayiramya, umuntu wese izina rye ritanditswe mu Gitabo cy'Ubugingo cy'Umwana w'Intama, watambwe uhereye ku kuremwa kw'isi"

Dushimire Imana kuko intama zitazayiramya. Bose, usibye gusa intore, bazayobywa. Ariko intore ntizizayobywa, kuko bumva Ijwi ry'Umushumba, maze bakamukurikira.

Ubu, murebe ibi, mwitegereze icyo nagerageje kugeza ubu kubereka. Iriya mbuto y'urupfu yabibwe uhereye igihe cya mbere, iriya mbuto y'idini, ku iherezo yahindutse igiti inyonzi zihumanaye zose zarikamo. Ryatangaje cyane ko ari ryo ritanga ubugingo, ni ryo ritanga urupfu. Imbuto yaryo ni URUPFU. Abafitanye uruhare na ryo barapfuye. Ririya dini rikomeye ry'itorero mu rwego rw'isi, rishuka isi riymemeza ko muri ryo hari agakiza k'iby'umubiri n'iby'umwuka, riyobya benshi rikanabatera kurimbuka. Ntiriri gusa urupfu rwigize umuntu, ahubwo iyo ntumbi yaboze ubwayo izicwa n'urupfu rw'inyanja yaka umuriro. Yoo, iyaba abantu byonyine bashoboraga gusobanukirwa icyo iherezo ryabo rizaba cyo, ntibarigumamo. "Nimurisohokemo, kuki mwarinda gupfa?"

UMUBURO WA NYUMA

Ibyahishuwe 2:23:"

Kandi n'abana be nzabicisha urupfu; amatorero yose azamenya ko ari nge urondora uwenge n'imitima, maze niture buri wese ibihwanye n'ibyo yakoze."

Imana ireba mu mutima. Ibyo ntibyigeze bihinduka. Ntibiteze kwigera bihinduka. Hano, nko mu bihe byose by'itorero, hariho amatsinda abiri; buri tsinda ryiyitirira kuba ired Imana rikanahabwa na Yo uguhishurirwa. Nyamara, urufatiro rukomeye rw'Imana ruracyahagaze, ni ariya magambo ikoresha nk'ikimenyetso ngo:

"Uwiteka azi abe.».

Timoteyo 2:19.

Uwiteka arondoza imitima. Ijambo "**kurondora**" risobanura "gukurikira akayira" cyangwa "kugenzura". Imana ireba mu bitekerezo byacu (mu bwenge); izi ibiri mu mitima yacu. Ibona imirimo yacu, igaragaza mu buryo bwuzuye ikiturimo. Ni mu mutima haturuka gukiranuka cyangwa ubugome. Impamvu zacu, imigambi yacu, ibyo byose Irabizi, mu gihe Igenzura buri gikorwa cyacu cyose. Kandi igihe nikigera ubwo tuzamurika ibyo twakoze mu buzima bwacu, tuzacirwa urubanza kuri buri gikorwa cyacu cyose, kuri buri jambo ryacu ryose. Umuzabibu w'ikinyoma ntiwatinyaga Imana, kandi uzabiryozwa bikomeye. Uvuga

Izina Ryayo wese abeho nk'uko bikwiye abera. Dushobora kubeshya abantu, ariko ntidushobora kubeshya Uwiteka.

AMASEZERANO MURI IYO MINSI Y'UMWIJIMA

Ibyahishuwe 2:24-25:

"Ariko mwebwe, abasigaye b'iTuwatira, badakurikiza izo nyigisho kandi batazi ibyo ba bandi bita ubwiru (ari bwo bwiru bwa Satani! Ndababwira nti: nta wundi mutwaro mbikoreza keretse uyu, ko mukomeza ibyo mufite mukageza aho nzazira."

Mbere yo kugira icyo tuvuga ku isezerano, mureke na none mbereke hano gato ko itorero, nk'uko Umwuka abivuga hano muri iki gitabo, iyo mizabibu yombi, ifite amashami abiri abohekeranye. "Ariko mwebwe abasigaye b'i Tuwatira, badakurikiza izo nyigisho, ndababwira nti: . . . » Murebe. Arabwira amatsinda abiri. Rimwe rifite inyigisho, irindi nta yo rifite. Mubarebe batatanye mu mahanga, buri wese afite inyigisho itandukanye n'iya mugenzi we. Rimwe ni iry'Imana neza n'Ibyayo irindi na ryo rikaba irya Satani neza n'ibye.

"Nta wundi mutwaro mbikoreje.

Ijambo «umutwaro» risobanura ikiremereye, agahato, agahato k'igisekuru cy'umwijima. Kwari uguhinamishwa cyangwa se kuvunwa, ugucishwa bugufi cyangwa gupfa. Ryari igeragezwa rikomeye - imbaraga z'ubwami zitiza umurindi ugsenga Satani. Ba umuyoboke w'idini cyangwa upfe. Muri buri gisekuru, habayeho agahato. Urugero, umwe mu mitwaro ikomeye y'igisekuru cya nyuma, ni agahato ko mu bukungu, ukudamarara, no kurakara, mu gisekuru kirangwamo ibintu nk'ibi bigaragara ko atari ho twateganirijwe kuba. Umutwaro w'igisekuru cya kane ugaragara nk'uvari warasobanuweho neza: gusuzugura Roma, ugashyira igihagararo cyawe mu Ijambo, kuvamo ukabyishyura ubuzima bwawe.

"Nta bwo babashije gusobanukirwa neza uburebure bwa Satani."

Ni nkaho ababishinzwe birengagije uwo murongo, kuko batasobanukiwe inyigisho iyo ari yo. Mu by'ukuri, nta nubwo bigoye kumenya ibyo ari byo. Reka tubanze turebe uburebure bw'Imana icyo ari cyo; uburebure bwa Satani ni ikinyuranyo cy'ubw'Imana. Abefeso 3:16

"Ngo abahe nk'uko ubutunzi bw'ubwiza bwe buri gukomezwa cyane mu mitima yanyu ku bw'umwuka we,

kandi ngo Kristo ahore mu mitima yanyu ku bwo kwizera, kugira ngo ubwo mumaze gushorera imizi mu rukundo mukaba mushikamye,

muhabwe imbaraga zo kumenyera hamwe n'abera bose ubugari n'uburebure bw'umurambiaro, n'uburebure bw'ighagararo, n'uburebure bw'ikigepfo bwarwo ubwo ari bwo,

mumenye n'urukundo rwa Kristo ruruta uko rumenywa ngo mwuzuzwe kugeza ku kuzura kw'Imana."

Noneho, nk'uko iyi mirongo ivuga, iyo umuntu yimenyereje uburebure bw'Imana mu mibereho ye, aba ari imyitizo ye bwite n'Umwuka w'Imana uza gutura muri we, kandi umwuka we ugengwa n'ubwenge hamwe n'ubumenyi yakira buvuye mu Ijambo ry'Imana. Ariko uburebure bwa Satani, bwo ni ubwo kugerageza guhindura ibyo ubusa. Azagerageza iteka gusimbuza uko kuri kw'Imana ibinyuranije n'ukuri. Azabyitwaramo ate? Azakuraho ubumenyi bw'UKuri kw'Imana - aburizamo Ijambo agerageze kurisimbuza irye: «Ese koko Imana yaravuze? » Azafata umwanya wa Kristo mu mwuka wanyu. Azabikora, nk'uko yabikoresheje Isirayeli: yimika umuntu ngo abe umwami mu mwanya w'Imana. Hazangwa imyitizo yo kubyarwa ubwa kabiri kugira ngo bifatanye n'idini. Muri icyo gisekuru ni ho itorero ryinjiriye mu burebure bwa Satani. Kandi imbuto z'ubwo burebure bwa Satani ni ibinyoma, ubwicanyi n'iyicarubozo, ibyo byose byagaragaye muri iki gisekuru.

INGORORANO

Ibyahishuwe 2:26-29:

"Unesha akitondera imirimo yange akageza ku mperuka, nzamuha ubutware bwo gutwara amahanga yose,

azayaragiza inkoni y'icyuma nkaho ari inzabya z'ibumba, aiyamenagurize rimwe nk'uko nange nabihawne na Data.

Kandi nzamuha inyenyeri yo mu ruturuturu.

Ufite ugutwi niyumve ibyo Umwuka abwira amatorero."

"Unesha, kandi agakomeza imirimo Yange kugeza ku mperuka."

Icyo Mwuka avuga hano, imirimo iratwereka neza ko Imana igerageza kumvisha Abayo icyo itekereza ku mirimo itunganye. Inshuro enye, ivuga ku mirimo. Kandi noneho, Ivuga ko ukomeza gukora akaba indahemuka muri iyo mirimo kugeza ku iherezo, azahabwa gutegeka amahanga, azaba umutware ukomeye, ushoboye kandi ucishije make, uzashobora guhangana na buri kibazo, afite imbaraga ku buryo umubisha w'ubukana burenze azaneshwa niba ari ngombwa. Azagaragaza ubutware bwe hamwe n'imbaraga ndetse bisa n'iby'Umwana w'Imana. Dore mu by'ukuri ibitangaje.

Ariko mureke turebere iri sezerano mu mucyo wa kiriya gisekuru. Roma igihangange, ishyigikiwe na Leta, ihatse abami, ingabo n'inteko nshingamategeko, imenagura kandi ikajanjagura byose imbere yayo. Yishe za miliyoni na za miliyoni z'abantu, itwika kandi yica izindi miliyoni z'abantu zari zanke kuyiramya. Hamwe no kutabarira kwayo ishyiraho abami bazajya babacisha bugufi ige cyose ibishoboye. Ni byo, uko kwivanga kwayo ni ko kwateje ugusubira inyuma n'ukugwa by'amahanga yose, kubera ko yari yemeje irimburwa ry'intore z'Imana. Imirimo yayo ni imirimo ya Satani; kuko, ikora uwicanyi kandi ikabeshya, nka we. Ariko ige kirageze ubwo Umwami azavuga ati: «Nimunzanire abanzi Bange imbere Yange, maze mubice. » Nuko, abakiranutsi bazabana n'Umwami, ubwo gukiranuka Kwe kuzahagurukira guhana abatuka Imana. Abakiranutsi bazazana na We mu Bwiza bazarimbura abarimbura isi kandi bakica abera b'Imana. Cyari igisekuru aho wasbwaga utiganda gutanga undi musaya, ni igisekuru cy'umbabaro uteye ubwoba; ariko ige kirageze aho ukuri kuzanesha. Kandi ni nde uzashobora kunesha uwo muriro adahiye? Abacunguwe b'Umwami ni bo bonyine bazabishobora.

"Nzamuha inyenyeri yaka yo mu ruturuturu."

Nk'uko biri mu Byahishuwe 22:16, no muri II Petero 1:19, Yesu ni We Nyenyeri yaka yo mu ruturuturu.

"Ni nge gishyitsi cya Dawidi n'umwuzukuruza we", "kugeza aho inyenyeri yo mu ruturuturu izabandurira mu mitima yanyu."

Umwuka ariho arakora isezerano ry'ako kanya rijyanye na We bwite ku ntore zo mu gisekuru cy'umwijima, ndetse n'abo mu bisekuru bizaza.

Nk'uko twamaze kubivuga, Yesu yisanisha n'intumwa za buri gisekuru. Ni We zikomoraho guhishurira Ijambo rya buri gihe. Uko guhishurira Ijambo ni ko gusohora intore z'Imana mu isi, kandi kukazihuriza zose muri Yesu Kristo. Izo ntumwa zitwa: "inyenyeri" kubera ko zaka urumuri zitijwe - ni urumuri rw'Umwana w'Imana, Yesu Ubwe, bagaragaza. Na none bitwa inyenyeri, kuko ari bo: «batwara urumuri» njoro. Ku bw'ibyo, mu mwijima w'icyaha, bazana Umucyo w'Imana ku bwoko Bwayo.

Ni igisekuru cy'umwijima. Kirijimye by'umwihariko, kuko Ijambo ry'Umwami ryenda gukurwa mu bantu hafi ya ryose. Ubumenyi bw'Isumbabyose bwenda kuzima. Urupfu rwibasiye umubare munini w'abizera, ku buryo bendaga gushira. Ibantu by'Imana ntibyigeze bikendera ako kageni. Satani arasa n'uwigaruriye insinzi ku bwoko bw'Imana.

Niba hari itsinda ry'abantu bari bakeneye isezerano ry'igihugu kitabamo ijoro, ni abo mu gisekuru cy'umwijima. Ni yo mpamvu Mwuka yabasezeranje inyenyeri yo mu ruturuturu. Yababwiye ko Inyenyeri Nkuru, Yesu, ituye mu Mucyo utegerwa, azabamurikira Ubwe, n'Ubwiza Bwe, mu Bwami buzaza. Ntazongera gukoresha inyenyeri (intumwa) ku bwo kuzana umucyo mu mwijima. Azaba ari Yesu, Ubwe, uzavugana na bo imbona-nkubone, ubwo Azasangira na bo Ubwami Bwe.

Ni Inyenyeri yaka yo mu ruturuturu igaragara iyo umucyo w'izuba utangiye kuva. Igihe Izuba ryacu (Yesu) rizazira, nta ntumwa izaba igikenewe: Ubwe ni We uzatuzanira ubutumwa Bwe butwongeramo intege; kandi, ubwo Azaba ari mu bwami Bwe, kandi tugakomeza kuba imbere Ye, urumuri rw'Ijambo ruzagenda rurushaho kwaka mu minsi yacu yo gutunganywa.

Ese ni iki kindi twakwifusa kirenze Yesu Ubwe? Ese si We byose, byose neza neza?

Ufite ugutwi niyumve ibyo Umwuka abwira Amatorero. Amina. Yego, Mwami Mana, reka ku bw'Umwuka Wawe twumve ukuri Kwawe.



www.messagehub.info

Ibibwiriza bya

William Marrion Branham

"...mu minsi y'ijwi ..." Ibyah. 10:7